



Nad pet osumnjičenih i dalje traje obrada

## Devet vehabija predato Tužilaštvu

Pripadnici vehabijskog pokreta u BiH koji su uhapšeni u akciji SIPA-e „Damask“, a sumnjiče se za terorizam, prebačeni su jučer u nadležnost Tužilaštvu BiH, potvrđeno nam je u SIPA-i. Riječ je o ukupno devet uhapšenih koji su predati u ovu instituciju, dok nad preostalih pet osumnjičenih i dalje traje kriminalistička obrada u SIPA-i.

Na daljnje postupanje predati su H. B. (1972.), I. D. (1971.), M. K. (1980.), E. H. (1992.), E. M. (1987.), S. H. (1979.), A. H. (1991.), J. J. (1987.) i A. K. (1983.). Protiv njih je podnesen izvještaj o počinjenom krivičnom djelu zbog postojanja osnova sumnje da su počinili krivična djela finansiranja terorističkih aktivnosti, javnog poticanja na terorističke aktivnosti, vrbovanje radi terorističkih aktivnosti, organiziranje terori-



*Tužilaštvo BiH: Danas odluka o pritvoru*

stičke grupe, a sve u vezi s krivičnim djelom terorizma, saopćeno je iz ove agencije.

Boris Grubešić, portparol Tužilaštva BiH, rekao je će nadležni tužilac u prisustvu advokata ispitati privedene u svojstvu osumnjičenih, nakon čega će donijeti odluku za koje će osobe pokrenuti prijedlog za određivanje mjere pritvora ili mjera zabrane u skladu sa zakonom. *M. Aš.*